

## Fundur í skólaráði Austurbæjarskóla föstudaginn 13. janúar 2017

Fundinn sátu: Oddný Sturludóttir og Guðrún Inga Ingólfssdóttir fulltrúar foreldra, Unnsteinn Beck fulltrúi nemenda, Lára Guðrún Agnarsdóttir fulltrúi kennara, Heiða Vernharðsdóttir fulltrúi starfsmanna, Kristín Jóhannesdóttir skólastjóri og Ólöf Ingimundardóttir aðstoðarskólastjóri sem ritar fundargerð.

1. Kristín Jóhannesdóttir skólastjóri setur fundinn og greinir frá því að sameiginlegur fundur skólaráðs, foreldrafélags og nemendaráðs Austurbæjarskóla verði haldinn fljótlega en til hans verði boðað með góðum fyrirvara og að sá fundur verði haldinn seinni part dags.
2. Skólastjóri kynnir fyrstu drög að niðurstöðum úr eineltiskönnun (Olweus) sem lögð hefur verið fyrir nemendur skólans í 4. – 10. bekk. Skólastjóri segir að rýna verði betur niðurstöður könnunarinnar en segir jafnframt að við fyrstu sýn virðist minna einelti mælast í skólanum á þessu skólaári miðað við skólaárið á undan og sé það ánægjulegt.
3. Skólastjóri greinir frá því að ekki liggi fyrir niðurstöður úr nemendakönnun Skólalúpsins þar sem aðeins lítill hluti nemenda hafi tekið könnunina.
4. Skólastjóri ber upp við skólaráð hvort þau styðji þá tillögu að lögð verði fyrir foreldrakönnun Skólalúpsins og einnig könnun fyrir starfsmenn skólans. Fundarmenn lýsa yfir ánægju með að það verði gert.
5. Skólastjóri kynnir fyrir fundarmönnum nýtt fyrirkomulag á samræmdum könnunarprófum fyrir 9. og 10. bekk sem lögð verða fyrir í mars. Eftir umræður og vangaveltur óska fulltrúar foreldra eftir að leitað verði svara frá Menntamálastofnun hvort fagleg rök séu fyrir þeirri ákvörðun að hafa 2 próf sama daginn þ.e. hafa fyrri hluta enskuprofs með íslensku og síðari hluta enskuprofs með stærðfræði. Ætlar skólastjóri að fá svör við þessari spurningu og upplýsa fundarmenn á næsta fundi.
6. Skólastjóri greinir frá því að niðurstöður úr Talnalykli (staðlað og markbundið próf í stærðfræði) hafi komið vel út í 3. bekk. Þó virðist sem nemendur eigi í vanda með hugtök stærðfræðinnar og þarf að huga að því í kennslu á yngsta stigi. Ekki hafa borist niðurstöður um útkomu í allri borginni þannig að á þessum tíma er ekki hægt að bera niðurstöður Austurbæjarskóla saman við aðra skóla.
7. Ný lestrarpróf „Lesfimi“ á vegum Menntamálastofnunar er verið að innleiða í skólastarf Austurbæjarskóla. Skólastjóri segir einnig frá því að til standi að setja niður lestraráætlun fyrir skólann og verður áætlunin unnin í samvinnu við Miðju máls og læsis og lestrarteymi skólans.
8. Rætt um námsmat. Skólastjóri sýnir fundarmönnum útfyllt skema sem dæmi um hvernig kennarar vinna kennsluskrá. Þar koma fram þau hæfniviðmið sem vinna á að í viðkomandi námsgrein, leiðir að hæfniviðmiðum, viðfangsefni og mat. Í ár fá allir árgangar skólans vitnisburð í bókstöfum. Í aðalnámskrá grunnskóla er kveðið á að útskrifa skuli nemendur úr grunnskólum þ.e. 10. bekk með matskvarða í bókstöfum. Skólastjóri leggur fram bréf sem til stendur að senda öllum foreldrum nemenda með upplýsingum um breytingu á matskvarða.

9. Fulltrúar foreldra í skólaráði óska eftir að nemendur af yngsta- og miðstigi skólans fái að taka þátt í sameiginlegum fundi foreldraráðs, nemendaráðs og skólaráðs.
10. Skólastjóri greinir frá því að hún hafi fengið boð um að mæta á fund þar sem umræðuefnið er: Stefnumótun í skólamálum í Reykjavíkurborg.
11. Fulltrúi foreldra í skólaráði segir frá stefnumótunarfundi foreldra sem haldinn var fyrir áramót. Þar fengu foreldrar tækifæri að koma fram með hugmyndir/tillögur að umræðuefni. Fram kemur að næsti fundur stefnumótunarhópsins verður í mars.
12. Skólastjóri segir frá því að 12 starfsmenn skólans séu á förum í námsferð til Englands og muni heimsækja Ardleigh Green Junior School. Þar er skólastjór John Morris sem heimsótt hefur Austurbæjarskóla og haldið námskeið fyrir kennara.

Fundi slitið. Næsti fundur verður haldinn föstudaginn 10. febrúar kl. 08:00.